


# Vern barnet ditt mot kikhoste

## Kvifor bør gravide ta kikhostevaksine?



- Kikhoste er ein luftvegsinfeksjon som kan gjere små barn alvorleg sjuke. Sjukdomen er farlegast for uvaksinerte barn under 1 år.
- Vaksinasjon i svangerskapet vernar barnet ditt mot kikhoste frå fødsel og fram til barnet får første vaksinedose ved 3-månaders alder.
- Kikhostevaksinen blir tilboden gravide i store delar av verda, og gjev spedbarn godt vern mot kikhoste.

## Korleis verkar vaksinen?



- Gravide som tek vaksine, lagar vernande antistoff. Antistoffa blir overførte vidare til barnet i magen.
- For at barnet skal få vern, må du få vaksine medan du er gravid – uansett når du fekk førre vaksine mot kikhoste.

## Under og etter vaksinasjon



- Vaksinen blir tilrådd ved svangerskapskontrollen i veke 24.
- Vaksinen blir gjeven med eitt sprøytstikk i overarmen.
- Det er vanleg å få litt vondt på stikkstaden, og det kan òg bli litt raudt og hovent. Enkelte får feber, vondt i musklane og kjenner seg litt sjuke eller utmatta. Dette går vanlegvis over av seg sjølv i løpet av nokre få dagar.
- Det er ikkje vist at barn får biverknader når mor blir vaksinert mot kikhoste i svangerskapet.
- Kontakt helsepersonell dersom du har spørsmål eller er bekymra for plager/sjukdom etter vaksinasjon.

